

吳伯雄
編

陳壽祺全集

27



廣陵書社

陳壽祺全集



廣陵書社

第二十七册

卷八十八	封爵		一
卷八十九	漢三國吳晉宋齊梁陳隋唐五代職官		一一一
卷九十	宋職官總轄		一五五
卷九十一	宋職官福州		一九三
卷九十二	宋職官建州建寧府		二四一
卷九十三	宋職官泉州南劍州漳州		二六七
卷九十四	宋職官汀州邵武軍興化軍		三三五
卷九十五	元職官總轄福州路建寧路泉州路興化路邵武路延平路汀州路		三九九
	漳州路武職		三九九
卷九十六	明職官總轄		四四九

重纂福建通志卷之八十八

封爵

封建之局至秦漢而一變晉宋而後或虛封遙領或乘危竊據所
由又與古異焉閩處東南天末非用武之地然自無諸佐漢蹙項
滅嬴胙封關壤五代王氏保固一隅忠懿之褒德政之碑功稱人
祖其或私立名號覬覦非常豕突蛙跳終歸滅燼何者自全以蕃
衛則世載其麻妄意以閹奸則勢非其據廢興之原可爲永鑒已

大清受

命宇宙重新

聖祖仁皇帝戡定閩藩遂收臺海感會風雲依光日月咸自奮於勲名百
年以來鯨波閒作立功海表者亦莫不列爵褒封慶流後嗣疇其

秩邑固無恃於誓河山盟帶礪也我

朝忠厚之澤不有超前古而立隆者歟志封爵

漢

閩越王無諸及越東海王搖其先皆越王勾踐之後也自勾踐傳
至無疆爲楚威王所滅而越以此散諸族子爭立或爲王或爲君
濱於江南海上服朝於楚秦并天下皆廢爲君長以無諸搖所有
地爲閩中郡

徐廣曰今建安侯官是

及諸侯畔秦無諸搖率越人歸鄱陽令

吳芮從諸侯滅秦當是時項羽主命弗王也以故不附楚漢擊項

羽無諸搖佐漢有功

按閩越佐漢之功史不詳漢書功臣表稱越將及越人者五人賞齊合侯傳胡害以越戶

將從破秦入漢定三秦以都尉擊項籍侯終陵齊侯華母害以越將從起雷入漢定三秦擊滅荼侯從攻馬邑及布煮棗端侯革朱以越連敖從起薛別以越將入漢擊諸侯以都尉侯南宮侯張買以父越人爲高祖騎將從軍以中大夫侯考漢書百官公卿越騎

校尉掌越騎如淳注曰越人內附以爲騎者也其時南越閉關則稱越者皆閩越 漢五年二月詔曰故粵

王無諸世奉粵祀秦復奪其地使其社稷不得血食諸侯伐秦無

諸身帥閩中以佐滅秦項羽廢而弗立今以爲閩越王王閩中地

無諸於是復爲閩越王王閩中故地都東冶孝惠三年夏五月舉

高帝時越功曰閩君搖功多其民便附立搖爲東海王都東甌徐廣

曰今之永寧也案永寧卽今溫州府世俗號爲東甌王案王鳴盛攷異封禪書越人

六十歲卽東海王搖也後數世至孝景三年吳王濞反欲招閩越令從之閩

越未肯行獨東甌從吳及吳破東甌受漢購殺吳王以故得不誅

歸國吳王子駒亡走閩越詳見史記吳王濞傳怨東甌殺其父常

勸閩越擊東甌建元三年閩越發兵圍東甌東甌使人告急於朝

武帝以問太尉田蚡案王鳴盛考建元二年蚡已罷太尉此時蚡蓋以列侯奉朝請武帝猶以前官稱之蚡

對曰越人相攻擊固其常又數反覆不足以煩中國往救也自秦時棄弗屬於是中大夫莊助詰蚡曰特患力弗能救德弗能覆誠能何故棄之乃遣莊助以節發兵會稽浮海救東甌未至閩越引兵去東甌請舉國徙中國迺悉其眾四萬餘人徙居廬江郡六年閩越擊南越南越守朝廷約不敢擅發兵而以聞武帝遣大行王恢出豫章大司農韓安國出會稽皆爲將軍兵未踰嶺閩越王郢發兵距險其弟餘善與宗族謀曰王以擅擊南越不請故天子兵來誅今殺王以謝天子天子聽罷去固一國完不聽迺力戰不勝卽亡入海皆曰善卽鏃殺王馳報京師請所立詔罷兩將軍兵曰郢等首惡獨無諸孫繇君丑不與謀

張晏曰繇邑號也

乃使郎中將立丑

爲越繇王奉閩越先祭祀餘善以殺郢威行國中民多屬竊自立

為王繇王不能制武帝聞之為餘善不足復興師曰餘善首誅郢
師得不勞因立餘善為東越王與繇王並處元鼎五年南越反餘
善上書請以卒八千人從樓船將軍楊僕擊呂嘉等兵至揭陽以
海風波為解不行持兩端陰遣使與南越相知及漢破番禺僕奏
願便引兵擊東越武帝以士卒勞倦不許令諸校屯豫章梅嶺待
命徐廣曰在會稽界索隱曰徐說非也案今豫章三十里有梅嶺在供崔山當古驛道此文云豫章梅嶺知非會稽也明年
秋餘善聞僕請誅之漢兵畱境且往迺遂反發兵距漢道號將軍
騶力等為吞漢將軍入白沙武林梅嶺索隱曰案今豫章北二百里接鄱陽界地名白沙有
小水入湖名白沙白沙東南八十里有武陽亭東南餘善刻武帝
三十里地名武林此白沙武林今當閩越之京道
璽自立詐其民為妄言武帝遣橫海將軍韓說出句章索隱曰鄭氏句音鉤
會稽縣也按句章今寧波府慈谿鎮海二縣浮海從東方往樓船將軍楊僕出武林中

尉王溫舒出梅嶺越侯爲戈船下瀨將軍

按太平寰宇志溫州平陽縣將軍嶺是福州界

當是以戈船下瀨將軍得名

出若邪白沙元封元年冬咸入東越

按出句章者由海道也出

武林者由今之建寧浦城也出梅嶺者由今之邵武光澤也出若邪白沙者由今之福寧也

東越素發兵距險

使徇北將軍守武林敗樓船軍數校尉殺長史樓船軍卒錢塘轅

終古

按轅終古漢書作懷終古正義曰錢唐杭州縣轅姓終古名

斬徇北將軍爲禦兒侯自兵

未往故粵衍侯吳陽前在漢漢使歸諭餘善餘善弗聽及橫海軍

至陽以其邑七百人反攻越軍於漢陽從故越建成侯敖

徐廣曰敖東越

臣與繇王居股謀俱殺餘善以其眾降橫海軍封居股爲東成侯

萬戶封敖爲開陵侯封陽爲卯石侯

顏師古曰功臣表作外石與此不同疑表誤按史記作兆

石封說爲案道侯東越將多軍

索隱曰韋昭云多姓軍名也

漢兵至棄其軍降

封爲無錫侯於是武帝曰東越陞多阻閩越悍數反覆詔軍吏皆

將其民徙處江淮之閒地遂墟

三國吳

孫亮字子明權少子太元二年卽尊號太平三年孫琳黜亮爲會稽王近立琅邪王休永安三年黜亮爲侯官侯道自殺

宋

南平王休元文帝第二子元嘉十六年封

建安王休仁文帝第十二子元嘉二十九年封

晉平刺王休祐文帝第十三子初封山陽王明帝卽位改封子宣

彥封原豐縣侯尋免

柳元景字孝仁河東解人初封曲江縣公孝建元年魯爽反帝使

元景進屯姑熟旣克捷改封晉安郡公大明三年改封巴東郡

晉安王子勛孝武第三子大明四年封廢帝狂凶長史鄧琬等奉子勛起兵泰始二年卽僞位於潯陽軍敗見殺

周盤龍北蘭陵人泰始中封晉安縣子元徽二年改沌陽侯

齊

晉安王子懋武帝第七子建元四年以江陵公進封

建安王子真武帝第九子建元四年封

晉安王寶義明帝長子建武元年封梁受禪封謝沐公尋封巴陵郡王

建安郡王寶寅明帝第六子建武元年封後改封鄱陽

梁

晉安王綱武帝第三子昭明太子母弟也天監五年封大寶元年

入卽位是爲簡文帝

晉安郡王方智元帝子承聖元年封紹泰元年自潯陽入卽位是爲敬帝

陳

陳寶應侯官人父羽爲郡雄豪梁時晉安數反累殺郡將羽初燭惑成其事後復爲官軍鄉導破之由是一郡兵權皆自己出侯景之亂晉安太守賓化侯蕭雲以郡讓羽羽令寶應典兵侯景平元帝以羽爲晉安太守陳武帝輔政羽請歸老求傳郡於寶應武帝許之紹泰三年封侯官縣侯武帝受禪授閩州刺史領會稽太守文帝卽位加其父光祿大夫仍命宗正錄其本系編爲宗室寶應娶畱異女爲妻侯安都之討異也寶應遣兵助之又資周迪兵糧

出寇臨川及都督章昭達破迪文帝命討寶應詔宗正絕其屬籍
寶應據建安之湖際逆拒昭達昭達深溝高壘不與戰但命爲籓
俄而水盛乘流放之突其水柵寶應眾潰執送京師斬建康市
晉安王伯恭文帝第六子天嘉六年封
南安王叔儉宣帝二十四子至德元年封
建安王叔卿宣帝第五子太建四年封

唐

福王綰順宗第十五子貞元二十一年封歷魏博節度拜司空

五代

王審知字信通一字詳卿家固始父恁業農頗以貲顯審知與兄
潮審邽皆以材勇知名號曰三龍僖宗入蜀盜起江淮閒屠者王

緒與妹夫劉行全聚眾據壽州自稱將軍復陷光州會奉國軍防

禦使秦宗權募士益兵緒提二州籍附宗權宗權表緒為光州刺

史潮時為縣佐史

通鑑作固始縣佐胡三省註云唐制諸縣丞籍簿尉之下有司功佐司倉佐司戶佐司兵佐司

法佐司士佐皆縣佐也路振九國志王潮少為縣佐史或者傳寫逸史字歟案縣佐皆有史當從九國志緒召署軍正

主廩庾審邽審知皆往焉已而宗權責緒租賦緒不能給宗權怒

發兵擊之

歐史云宗權以緒為光州刺史召其兵會擊黃巢緒遲留不行宗權發兵攻緒案通鑑中和元年宗權表緒為

光州刺史三年黃巢使其驍將孟楷擊蔡州宗權迎戰而敗遂稱臣於巢與之連兵四年武寧將李師悅與尚讓追黃巢至瑕邱敗之巢走至狼虎谷巢甥林言斬巢首將詣時薄遇沙陀博野軍奪之并斬言以獻於溥宗權縱兵四出侵噬鄰道又云黃巢雖平秦宗權復熾其殘暴又甚於巢軍行未始轉糧車載鹽戶以從據此宗權無召緒擊巢事通鑑光啓元年秦宗權責租賦於光州刺史王緒不能給宗權怒發兵擊之正與唐書王潮傳所云他日緒懼賦不如期宗權切責語相合是時巢死已數月矣歐史蓋誤緒懼

悉舉光壽兵五千人驅吏民渡江以行全為前鋒轉掠江洪虔三

州連陷汀漳皆不能有也初緒以糧少故兼道馳約軍中曰以老
孺從者斬潮與審邦審知奉母董氏以行緒切責曰軍行有法汝
違吾令而不誅是無法也潮對曰人皆有母未有無母之人將軍
奈何使人棄其母緒怒欲斬其母潮與審邦審知同辭曰某兄弟
事母猶事將軍也殺其母焉用其子請先母死將士共爲之請緒
乃止唐書潮本傳云會母死不敢哭夜殯道左案薛歐兩史及通鑑皆無此語時術士謂緒軍中當有
暴興緒潛視魁梧雄偉者多以事誅之行全亦被殺眾皆自危曰
行全親也猶不免況吾屬乎行次南安潮說其前鋒將曰吾屬棄
墳墓妻子而爲盜者爲緒所脅爾非本心也今緒猜刻吾屬不自
保朝夕況欲圖成事哉乃選壯士數十人伏篁竹閒伺緒至躍出
擒之前鋒將揚言於眾曰生我者潮也請以爲主潮固讓不獲乃

刑牲歃血爲盟植劒於前祝曰拜而劒三動者當爲帥至審知劒躍於地審知長軀紫色方口隆準常乘白馬軍中稱白馬三郎及是眾以爲神爭拜之審知曰予事兄如父豈有弟爲大將而兄居下者遂奉潮以帥其眾潮囚緒別館緒自殺時光啓元年八月也泉州人張延魯等以刺史廖彥若貪暴聞潮治軍有法率耆老奉牛酒遮畱

廖彥若唐書作劉彥若

潮圍泉州歲餘克之殺廖彥若有其地遣

使送款於福建觀察使陳巖表潮爲泉州刺史景福元年巖病甚召潮欲授以政潮未至而巖卒巖妻弟范暉諷將士推己爲畱後發兵拒潮暉驕侈失眾心巖舊將多奔歸潮言暉可取狀潮以從弟彥復爲都統審知爲都監將兵攻福州踰年暉求救於威勝軍節度使董昌昌與暉姻連

案通鑑云昌與陳巖昏姻攷巖墓志次女適太子正字董承和卽制東廉問相

國之令子此制字乃測字之訛昌鎮越州
檢校太尉同平章事故稱測東廉問相國
發溫台婺兵五千人救
暉彥復審知白潮請退師潮報曰兵盡添兵將盡添將兵將俱盡
吾當自來彥復審知懼親陷矢石急攻之暉棄城走爲將士所殺
彥復審知迎潮至福州潮以審知爲泉州刺史自稱福建畱後建
州人徐歸範殺刺史熊博以州應潮汀州刺史鍾全慕亦舉籍聽
命潮盡有閩中五州之地是歲昭宗以鎮海軍節度使錢鏐奏授
潮福建觀察使乾寧三年升福州爲威武軍拜潮節度使檢校尙
書左僕射以審知爲副使審知有過潮猶加箠楚審知無怨色四
年潮疾革捨其子延興延虹延豐延休命審知知軍府事已而潮
卒審知以讓審邦審邦辭曰弟有功且人望所屬不可違也審知
乃權畱後表於朝審邦詳見泉州宦績光化元年詔贈潮司空授